

**Agong Dan Permaisuri Berangkat Ke Majlis Santapan Beradat ATM  
Bernama  
27 Sept, 2013  
Oleh Khairdzir Md Yunus**

KUALA LUMPUR, 27 Sept (Bernama) -- Yang di-Pertuan Agong Tuanku Abdul Halim Mu'adzam Shah dan Raja Permaisuri Agong Tuanku Hajah Haminah malam ini berkenan berangkat ke Majlis Santapan Beradat sempena Hari Angkatan Tentera Malaysia (ATM) ke-80 di Wisma Perwira ATM, Kementerian Pertahanan di sini.

Ketibaan Seri Paduka berdua disambut Timbalan Perdana Menteri Tan Sri Muhyiddin Yassin, Menteri Pertahanan Datuk Seri Hishammuddin Tun Hussein dan Panglima ATM Jeneral Tan Sri Zulkifeli Mohd Zain.

Turut hadir isteri Timbalan Perdana Menteri Puan Sri Noorainee Abdul Rahman, isteri Menteri Pertahanan Datin Seri Tengku Marsilla Tengku Abdullah dan isteri Panglima ATM Puan Sri Umi Kalsom Wan Awang.

Ketua Setiausaha Kementerian Pertahanan Datuk Seri Dr Ismail Ahmad, Panglima Tentera Darat Jeneral Datuk Raja Mohamed Affandi Raja Mohamed Noor, Panglima Tentera Laut Laksamana Tan Sri Abdul Aziz Jaafar dan Panglima Tentera Udara Jeneral Tan Sri Rodzali Daud juga menghadiri majlis itu.

Seri Paduka berdua turut menyaksikan persembahan gabungan pancaragam Tentera Darat, Tentera Laut dan Tentera Udara.

ATM juga mempersembahkan keris sepanjang 1.8 meter dan selebar 1.2 meter kepada Tuanku Abdul Halim.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=981269>